

Taarifa za Bima ya Afya kwa Wakimbizi

Kuna chaguo nyingi zaidi zinazopatikana za bima za afya kwa watu binafsi na familia kuliko hapo awali. Ikiwa wewe ni mkimbizi katika jimbo la Illinois na una maswali kuhusu chaguo zako za bima ya afya, Get Covered Illinois inaweza kusaidia. Hapo chini ni majibu ya maswali machache ya kawaida ya kukusaida kuanza.

Je, wakimbizi na watafutaji wa kimbilio wanaweza kustahili bima ya afya?

Ndio. Wakimbizi na watafuta kimbilio, pamoja na wale ambao maombi yao yanabirishwa, ambao wamekubaliwa kuingia Marekani wanaweza kutuma maombi ya bima ya afya kuitia Get Covered Illinois. Hii haitumiki kwa makundi yote ya wahamiaji, na wengine huenda wakabidi kusubiri kwa miaka mitano kabela ya kukubalika kupata manufaa ya umma kama Medicaid.

Makundi mengine ya wahamiaji wanaoweza kuomba manufaa sawia yanayopatikana kwa wakimbizi ni pamoja na:

- Waingiaji raia wa Cuba na Haiti.
- Wenye mzazi mmoja kutoka Marekani na mwengine kutoka Asia.
- Wenye viza maalum za Uhamiaji kutoka Iraq au Afghanistan.
- Waathiriwa waliothibitishwa wa usafirishaji haramu wa binadamu.
- Wakazi Halali wa Kudumu ambao wamekuwa na mojawapo ya hadhi hizi hapo awali.

Soko la Bima ya Afya na Medicaid zitahitaji kujua aina ya nyaraka ulizo nazo, kama vile I-94, I-766, I-327, I-571 or I-551, na namba yako ya Huduma za Uraia na Uhamiaji wa Marekani (USCIS) au namba nyingine ya nyaraka za kuthibitisha hitimu yako kuwa mkimbizi na atafutaye kimbilio. Baadhi ya waathiriwa wa usafirishaji haramu wa binadamu huenda wakahitaji nyaraka za ziada. Wanapaswa kuwasiliana na Muungano wa Daraja la Kaskazini Dhidi ya usafirishaji haramu kwa namba ifuatayo (800) 837-5345 ambapo watapelekwa kwa meneja wa kesi katika jimbo la Illinois.

Je, bima yangu ya afya italipia nini?

Mipango yote ya bima za afya zilizoko kwenye Soko la Bima ya Afya zinajumuisha manufaa muhimu ya afya, zinazohusu huduma mbalimbali pamoja na kumuona daktari, huduma za kinga na zaidi. Hakikisha unalinganisha mipango ya afya katika Soko la Bima ya Afya ili kuona ni manufaa gani maalum yanayotolewa na mpango wako. Medicaid na All Kids zinatoa huduma zinazofanana na mipango binafsi ya bima za afya.

Mimi ni mkimbizi. Je, ninaweza kuomba bima gani ya afya?

Unaweza kuomba Medicaid ikiwa kipato chako ni chini ya \$1,342 kwa mwezi ikiwa uko peke yako au \$1,809 kwa mwezi ikiwa umeoa/umeolewa. Vikomo tofauti vya mapato vinatumika kwa watoto, wanawake wajawazito, watu wazima, watu wenye ulemavu na kwa familia kubwa zaidi. Ikiwa hauhitimu kupata Medicaid, unaweza kuomba bima ya afya kuitia Soko la Bima ya Afya. Msaada wa kifedha huenda ukapatikana ili kupunguza gharama ya bima ya afya.

Nilielezwa kuwa ninahitimu kupata Medicaid. Sasa nifanyeje?

Utapokea barua ya kukuidhinisha katika sanduku la posta. Ndani ya siku 10 za kupokea barua ya kuidhinishwa, utapokea karatasi itakayokuwa na Namba ya Utambulisho ya Mpokeaji (NUM) – hiyo ni kadi yako ya matibabu. Weka namba yako ya NUM katika pahala salama kwa sababu hiyo ndiyo utawapa watoa huduma na maduka ya dawa unapohitaji huduma.

Punde baada ya kupokea kadi ya matibabu, utapokea nyaraka za usajili katika sanduku la posta. Hizi zitaelezea manufaa yako ya afya na jinsi ya kuchagua daktari wa awali na mpango wa bima ya afya. Ikiwa una maswali kuhusu manufaa yanatolewa, unaweza kupigia simu Laini ya Usaidizi ya manufaa ya Afya ya HFS kwenye namba (866) 468-7543 (Vipofu: 1-877-204-1012). Unaweza pia kupigia simu kwenye dawati la Huduma za Usaidizi la Get Covered Illinois kwenye (866) 311-1119.

Mimi pia ni mtu mzima kijana. Je, ninaweza kukaa kwenye mpango wa bima ya afya ya wazazi wangu kwa muda gani?

Ikiwa wazazi wako wana bima ya afya kuititia kwenye Soko la Bima ya Afya au mhajiri anayetoa bima kwa wana familia, unaweza kukaa kwenye mpango wa wazazi wako mpaka umri wa miaka 26. Kwa ziada, watoto waliosajiliwa katika All Kids wanapokua na kutoka katika mfumo wa utunzaji wa walezi jimboni Illinois wanahitimu kupata bima kuititia Medicaid bila kuzingatia kipato mpaka wafikishe umri wa miaka 26, pamoja na wale wanaokua na kutoka katika programu ya watoto wa wakimbizi wasiokuwa na wazazi wao.

Je, sheria mpya ya afya itaathiri vipi bima ya afya ya Usaidizi wa Matibabu kwa Wakimbizi (UMW)?

Baadhi ya wakimbizi wanapata bima ya afya kuititia programu ya UMW kwa miezi minane ya mwanzo baada ya kuwasili. Ikiwa una bima ya afya kwa sasa kuititia UMW na unastahili kupata Medicaid, huduma yako ya bima ya Medicaid haipaswi tu kuisha eti kwa sababu msaada wako wa kifedha unafikia kikomo. Unaweza kuendelea kupokea Medicaid alimradi unahitimu. Ikiwa unastahili kupata bima ya afya kutoka katika Soko la Bima ya Afya, utapata barua katika sanduku la posta yenye maelekezo kuhusu jinsi ya kujisajili kwenye mpango.